

音者各得解了而順化之用有大哀普等音
 故何謂菩薩入於胞胎菩薩摩訶薩世世所
 生而無所生故何謂菩薩在於尊貴菩薩所
 生在諸種性則能化之故何謂菩薩所生具
 足假使菩薩在君子種在梵志種在居士種
 則能勸化故何謂菩薩在於尊性謂以過去
 衆菩薩性等無差別故何謂菩薩眷屬具足
 菩薩所從諸眷屬侍使無所乏故何謂菩薩
 土地嚴淨始生之時光明照耀無數世界其
 蒙光者皆得安隱故何謂菩薩棄國捐家菩
 薩摩訶薩捨家學道時化無央數億百千人
 而與從俱能令衆生立於三乘故何謂菩薩
 詣諸佛樹其樹則為根莖枝葉華實皆為七
 寶紫磨金色照於十方無數佛土悉為大明
 是為菩薩詣佛樹嚴淨何謂菩薩一切名德
 而悉具足設使菩薩人清淨者則佛國淨是
 為菩薩名德具足何謂菩薩住十道地成為
 如來菩薩摩訶薩具足六波羅蜜十力無畏

十八不共諸佛之法得薩芸若慧斷除塵勞
 無所罣礙是為菩薩住十道地成為如來如
 是須菩提菩薩摩訶薩溫恕拘舍羅行六波
 羅蜜意止意斷神足根力七覺八道三十七
 品十力無畏四分別辯十八不共諸佛之法
 寂然離見現入種性八等之地若有所處離
 欲之地所作辦地離於聲聞辟支佛地菩薩
 之地是為菩薩摩訶薩入第九住於佛地是
 為菩薩摩訶薩第十行住是為菩薩摩訶薩
 三拔致

光讚般若波羅蜜經卷第九

光讚般若波羅蜜經卷第十

淡二

西晉三藏法師竺法護譯

光讚般若波羅蜜所因出行品第十九
 佛告須菩提如汝所問何從出行中何從住
 行中誰為成行者從三界生在薩芸若有本
 無生無用當生所以者何其摩訶衍薩芸若

慧於此二事法無所合亦無所散無色無見無所取捨則為一相則無有相所以者何其無相法無所出生法有生者則為欲令法界出生其無相法有所生者則為欲令本無出生其無相法則無所生欲令生者則為欲令真本際生其有欲令無相生者則為欲令不可思議法界出生其有欲令無相法生則為欲令專精修行而出生其有欲令無相法生則便欲令斷界出生取要言之須菩提則為欲令離欲界生其有欲令無相法生者則為欲令滅度界生須菩提彼為欲令寂然空無而出生矣其有欲令色痛痒思想生死識無相法生者則為欲令有相法生所以者何色則為空從三界生住薩芸若痛痒思想生死識亦無有空從三界生薩芸若者則無所住所以者何若解色者色則為空解痛痒思想生死識者識則為空眼耳鼻舌身心亦空欲令生者則為欲令虛空出生眼色識耳聲識

鼻香識口味識身更識意欲識此十八種因緣所見則為空無欲令生者則為欲令無相法生所以者何須菩提眼之所視悉皆為空耳鼻舌身意亦如是習皆空須菩提三界為空眼所視空從三界生薩芸若者則無所住六情亦空因三界生薩芸若者則無所住六情所受所習皆空無有相欲令生者則為欲令夢幻出生所以者何夢幻水月芭蕉野馬深山之響皆悉自然自然之事如來之化三界自然則無所生薩芸若者則無所住所以者何須菩提如夢自然夢自然者悉無所有幻化之事亦復如是須菩提其欲令檀波羅蜜有尸波羅蜜鼻波羅蜜惟逮波羅蜜禪波羅蜜般若波羅蜜生者則為欲令無相法生所以者何須菩提六波羅蜜者悉皆自然從三界生薩芸若者亦無所住所以者何須菩提六波羅蜜者則為自然其自然者故曰為空其有欲令無相法生者則為欲令內空外

法華經十

二

空有空無空近空遠空真空出生所以者何須菩提其七空者則為自然以自然故因三界生薩芸若者則無所住所以者何須菩提用七空自然故名曰為空故空為空須菩提其有欲令無相法生者則為欲令四意止四意斷四神足念五根五力七覺八道行生所以者何皆自然空因三界生薩芸若者則無所住須菩提其有欲令三十七品出生者則為欲令無相法生所以者何須菩提三十七品則為自然不生三界薩芸若者則無所住所以者何三十七品自然空空故曰空須菩提其有欲令十力四無畏十八不共諸佛之法四分別辯悉自然空空故曰空須陀洹斯陀含阿那含阿羅漢辟支佛上至怛薩阿竭阿羅訶三耶三佛生者則為欲令無相法生所以者何須菩提其三乘者亦復自然不出三界薩芸若者則無所住所以者何須菩提阿羅漢者則為自然故故為空辟支佛者則

為自然自然故空故曰為空怛薩阿竭則為自然自然空故故曰為空須菩提其有欲令名号生者則為欲令無相法生空無相無願亦復如是其欲令因緣言辭生者則為欲令無相法生所以者何須菩提其名号空不生三界薩芸若者則無所住所以者何名号則光讚十空用名号空故曰為空因緣言辭諸可處所悉皆為空諸法處空故曰為空其有欲令無所生生則為欲令無相法生所以者何無相法空悉無處所處所空故故曰為空其有欲令無滅無想無塵無瞋無所有生者則為欲令無相法生所以者何此諸事空空故曰空名号因緣言辭所處三十七品十種力四無畏十八不共諸佛之法四分別辯亦復如是是故須菩提摩訶衍者從三界生為無所生薩芸若生亦無所生無有動處又須菩提所問在何所住者心無所住衍無有處所以者何無所住故一切諸法亦無所住又須菩

提衍所作者住無所住其法界者亦無所住
住無所住衍亦如是住無所住如上虛空無
所由轉衍亦如是住無所住又譬如無生住
無所住衍亦如是住無所住譬如無滅無塵
無瞋及無所有住無所住衍亦如是住無所
住所以者何法界自然住無所住所以者何

法界自然用自然故自然為空及與七空悉
無所有自然為空空無所有故曰為空是故
須菩提衍無所住住無所住故無動轉須菩
提所問從何所住而成衍者衍無所生所以
者何無有從中生者無有甫當生者一切諸
法悉無所有以此無故一切諸法亦復如是

何所有法當有生者所以者何我人壽命亦
復如是亦無有如亦無所見亦無所得本末
清淨是故我人壽命如見法界悉不可得本
末悉空是故但薩阿竭悉不可得其本際者
亦不可得本末悉淨是故諸界不可思議悉
不可得本末清淨是故陰種諸入悉不可得

本末清淨陰種諸入不可得故本末清淨六
波羅蜜者悉不可得本末清淨是故七空亦
不可得本末清淨意止意斷神足根力七覺
八道三十七品十種力四無所畏十八不共
諸佛之法四分別辯亦不可得本末清淨須
陀洹斯陀舍阿那含阿羅漢辟支佛上至恒

法光卷十

四

薩阿竭阿羅訶三耶三佛悉不可得本末清
淨三乘之法薩芸若慧不可得故本末清淨
其無所有生悉不可得本末清淨無滅無塵
無瞋無爭諸無所有及諸所有悉不可得本
末清淨其過去當來今現在事性來所住住
止所生悉不可得本末清淨所益所損悉不

可得本末清淨誰當逮得不可得者其法界
者亦不可逮無有得者所以者何欲逮法界
則不可得若求阿羅漢辟支佛但薩阿竭欲
得此者悉不可得若有欲得三十七品十力
無畏十八不共諸佛之法四分別辯者亦不
可得無能逮者若有欲逮得阿耨多羅三耶

三善悉不可得本際悉空而不可得六波羅蜜及與七空亦復如是悉不可得其無所生亦無所滅無塵無瞋無所有者悉不可得所以者何正真觀之悉無所有悉不可得其欲速得第一住者亦不可得至于十住亦不可得本末清淨何所有第十住者其清淨觀者

及種性八等所示現地是所有地離欲之地所作辦地辟支佛地菩薩道地三耶三佛地及第一地悉不可得其七空者悉不可得計於內空上至十住悉不可得七空十住悉無所有悉不可得所以者何須菩提其第一住但名字耳為不可得上至十住亦復如是假漢名第十

有所得為不可得本末清淨而為眾生講說內空悉不可得一切眾生亦不可得而為眾生說七品空事所可說者悉不可得本末清淨以內空故佛土清淨悉無所得七空自然自然空故佛土清淨悉不可得本末清淨是故內空及與五眼悉不可得皆無所有自然

自然空為其五眼悉無處所本末清淨是故須菩提菩薩摩訶薩於一切悉無所得則為速得成摩訶衍三跋致薩芸若慧

光讚般若波羅蜜經無去來品第二十
尔時賢者須菩提白佛言所言摩訶衍者其摩訶衍義之所趣唯天中天於天上人中世

間而最為尊莫不歸者衍與空等辟如虛空容覆無量阿僧祇人莫不戴仰唯天中天摩訶衍者亦復如是菩薩摩訶薩覆不可計阿僧祇人悉因得度摩訶衍者不見來時不見去時不見住處如是天中天摩訶衍者不得過去當來現在亦無中間見亦無所得其名

等於三世故曰為衍是故為摩訶衍於是世尊告須菩提如是如是所謂摩訶衍者是為菩薩摩訶薩六波羅蜜檀波羅蜜尸波羅蜜羼波羅蜜惟逮波羅蜜禪波羅蜜般若波羅蜜是為須菩提菩薩摩訶薩摩訶衍復次須菩提菩薩摩訶薩摩訶衍者謂一切諸隨羅

足門諸三昧門首楞嚴三昧取要言之空等
三昧解脫三昧無著三昧寂滅三昧是謂菩
薩摩訶薩摩訶衍復次須菩提菩薩摩訶薩
摩訶衍者曉了七空三十七品十力四無畏
十八不共諸佛之法四分別辯是為菩薩摩
訶薩摩訶衍也又須菩提所言摩訶衍者天

上天下世間最上莫不歸仰者譬如須菩提
欲界本無無本無等無有異不可分別無
有顛倒誠諦自然久長堅固無有別離法無
合無散未曾所有是為摩訶衍天上天下人
中最尊莫不歸仰者假使須菩提劫盡燒時
悉為現之教化一切令知無常無有長久無
六

堅固者悉無所有是故摩訶衍天上天下世
間最尊莫不歸仰者又須菩提欲界如是等
無有異無有顛倒誠諦自然無本堅固無別
離法無有因緣其無所有終不所有是為摩
訶衍天上天下最尊假使須菩提欲界有想
無常顛倒而現破壞一切無常無有長久不

可堅固別離之法悉無所有是故須菩提摩
訶衍天上天下於無色界亦復如是假使須
菩提諸色本無悉無所有亦復如是等亦無
差別無有若干誠諦自然本無堅固無別離
法其無有者不可令有是為摩訶衍天上天
下最尊假使須菩提色有所念而應清淨而

為顛倒悉令飽滿皆當無常無有久存不得
堅固別離之法悉無所有是故摩訶衍色痛
痒思想生死識亦復如是眼耳鼻口身心等
無有異眼色識耳聲識鼻香識口味識身更
識意欲識等無有異悉無所有所可分別至
誠真諦計有常者久長堅固是非摩訶衍用

習六事心有想念因緣所習迷惑多求以自
飽滿是一切法皆悉無常無有長存不可久
固是故摩訶衍天上天下最尊假使須菩提
法界所有悉無所有是為摩訶衍天上天下
最尊固無所有生如須菩提法界所有悉無
所有行無所有是故摩訶衍天上天下最尊
七

設使須菩提但薩阿竭現有所有悉無所有其真本際不可思議其界所有悉無所有是為摩訶衍天上天下最尊設使須菩提諸界者不可思議其所有者悉無所有是故摩訶衍天上天下最尊設使須菩提六波羅蜜所有悉無所有亦復不無是為摩訶衍正使須菩提其內空者不有不無自然為空不有不無是為摩訶衍所以須菩提其內空者自然無有有了空者不有不無故曰摩訶衍設使須菩提三十七品十力無畏十八不共諸佛之法四分別辯不有不無亦不不無是為摩訶衍行政使須菩提其種性法不有不無亦不無用種姓法不有不無亦不不無是故摩訶衍行政使須菩提其八等法不有不無須陀洹法斯陀舍法阿那舍法阿羅漢法辟支佛法諸佛之法不有不無用不有不無亦不無無是故摩訶衍行政使須菩提其八等法及與佛法不有不無亦不無無是故摩訶衍用須

菩提其諸種性不有不無亦不無無用諸八等不有不無亦不無無須陀洹斯陀舍阿那舍阿羅漢辟支佛上至恒薩阿竭阿羅呵三耶三佛不有不無亦不無無是故摩訶衍須菩提欲知以諸八等但薩阿竭阿羅訶三耶三佛不有不無亦亦無無是故摩訶衍設使須菩提諸天人民阿須倫及與世間不有不無亦不無無以諸天人民阿須倫世間所有不有不無亦不無無是故摩訶衍假使須菩提菩薩從初發意乃至道場坐於佛樹於中發心不有不無亦不無無如須菩提菩薩摩訶薩從初發意乃至道場於中發心一切不有不無亦不無無是故摩訶衍假使須菩提菩薩摩訶薩其智慧尊猶如金剛不有不無亦不無無是為菩薩摩訶薩曉了達見一切諸礙及眾塵勞得薩芸若以須菩提菩薩摩訶薩了諸星礙一切塵勞悉無所有逮薩芸若是故摩訶衍行政使須菩提恒薩阿竭阿羅

呵三耶三佛其三十二大人之相不有不無亦不無無是故但薩阿竭阿羅訶三耶三佛天上天下最尊威神聖德光明微妙靡所不照無有疇匹是故但薩阿竭阿羅訶三耶三佛威神巍巍聖德光明照於十方恒沙諸佛世界及諸天上天下諸天人民諸阿須倫光

明普適用不有不無亦不無無是故但薩阿竭阿羅訶三耶三佛光明照於十方恒沙世界又須菩提但薩阿竭有八部之音不有不無亦不無無是故但薩阿竭阿羅訶三耶三佛聲告十方於阿僧祇無量世界用但薩阿竭其八部聲不有不無亦不無無是故有八

種音聲告於十方不可思議無量世界又須菩提但薩阿竭所轉法輪不有不無亦不無無是為但薩阿竭轉於法輪沙門婆羅門諸梵天衆天上天下莫能當者皆令如法各得其所是故但薩阿竭為轉法輪沙門婆羅門天上天下及諸民人莫能當者又須菩提一

切衆生不有不無亦不無無是故但薩阿竭數轉法輪今諸衆生不至無餘於泥洹界又須菩提此諸衆生不有不無亦不無無悉了是已故但薩阿竭轉於法輪是故衆故至無餘界於泥洹界而般泥洹

光讚般若波羅蜜經行與空等品第二十一
法老第十

佛告須菩提如汝所言行與空等者所說至誠如是如是行與空等譬如虛空不可計知東方里數南方西方北方四隅上下亦不可知無遠無近無有邊際但薩阿竭慧亦如是不可盡極八方上下無有邊際無有遠近慧不可盡譬如虛空無長無短無有方面無增無減但薩阿竭慧亦如是無長無短不圓不方無增無減又須菩提譬如虛空無有五色青黃赤白行亦如是又須菩提譬如虛空無有過去當來現在行亦如是無去來今又須菩提譬如虛空無能增者無能減者行亦如是不增不減故言行與空等又須菩提譬如

虛空無有塵勞無瞋恨無有生者亦無所滅亦無所住亦無不住亦無所念行亦如是是故言行與空等又須菩提辭如虛空無有善惡無有言辭亦無不言辭如虛空無見無聞無念無知行亦如是是故言行與空等又須菩提辭如虛空亦無有異亦無不異亦無所斷亦無所造謬亦無所除行亦如是又須菩提辭如虛空無有欲法不離欲法無瞋恚法不離瞋恚無愚癡法不離愚癡行亦如是又須菩提辭如虛空又與欲界合同不與色界及無色界合同亦不離三界行亦如是又須菩提辭如虛空無初發意從第一住亦如是

三佛地行亦如是又須菩提辭如虛空無有形像亦無不像亦無有見亦不無見無受無捨無合無散行亦如是又須菩提辭如虛空則無有常亦無不常無苦無樂無我不我行亦如是又須菩提辭如虛空亦無有空亦無不空無有異空無有思想亦無無想亦無有願亦無不願行亦如是故言行與空等又須菩提辭如虛空無有寂然無不寂然無有悽怕亦無不怕又須菩提辭如虛空無有光明亦無闇冥行亦如是又須菩提辭如虛空無所逮得亦無不得行亦如是是故言行與空等又須菩提辭如虛空無言無說亦無不言行亦如是是故言行與空等是故須菩提虛空平等行亦平等如須菩提所言辭如虛空無有邊際覆不可計阿僧祇人行亦如是安不可計阿僧祇人如是須菩提辭如虛空覆不可計阿僧祇人行亦如是護不可計阿僧祇人計人無人辭如虛空不可得有空以無

有摩訶衍者亦復如是是故須菩提摩訶衍者安護無數阿僧祇人所以者何人與虛空及摩訶衍此一切法都不可得故復次須菩提人不可計空亦不可計虛空亦不可計摩訶衍亦不可計是故摩訶衍覆護不可計阿僧祇人所以者何須菩提人與虛空及摩訶衍

悉不可計悉不可得復次須菩提不可計是故摩訶衍覆護不可計阿僧祇人復次須菩提人無所有法界亦無所有一切諸法亦無所有故曰虛空亦無所有人與虛空及摩訶衍悉無所有阿僧祇無所有無有量無所有無有底無所有是故摩訶衍覆護不可計阿

僧祇人所以者何衆生法界及摩訶衍又阿僧祇不可限量無有崖底悉不可得故復次須菩提人無所有但薩阿竭亦無所有虛空亦無所有摩訶衍亦無所有阿僧祇亦無所有不可計亦無所有無底亦無所有一切諸法亦無所有是故須菩提摩訶衍者爲不可

計阿僧祇崖底人而設擁護所以者何但薩阿竭虛空衆生及摩訶衍其阿僧祇不可計無有崖底悉不可得故復次須菩提吾我無所有所知所見亦無所有本際無所有當作是了本際以無至不可計及阿僧祇無央數者亦無所有以無所有一切諸法亦無所有

是故摩訶衍名曰不可計阿僧祇覆護無央數人所以者何須菩提一切衆生所知所見及與本際至阿僧祇無央數不可計皆不可得復次須菩提吾我及人悉無所有所知所見亦無所有不可思議境界亦無所有色痛痒思想生死識亦無所有虛空亦無所有摩訶衍亦無所有阿僧祇亦無所有不可計亦無所有無央數亦無所有一切諸法亦無所有是故摩訶衍爲不可計阿僧祇人之覆護所以者何如須菩提吾我諸法悉不可逮復次須菩提吾我及人悉爲虛空所知所見亦復虛無眼亦虛無耳鼻舌身意亦復虛無以

虛無虛空亦虛無空以虛無摩訶衍者亦復
虛無以無二虛阿僧祇無央數不可計亦復
虛無不可計以虛無一切諸法上復虛無是
故摩訶衍覆無央數不可計阿僧祇人所以
者何須菩提吾我及人一切諸法悉不可得
復次須菩提吾我無所有所知所見亦無所

有所知所見以無所有檀波羅蜜亦無所有
尸波羅蜜羸波羅蜜惟逮波羅蜜揮波羅蜜
般若波羅蜜亦無所有般若波羅蜜以無所
有虛空亦無所有摩訶衍亦無所有是故摩
訶衍覆護無央數不可計阿僧祇人所以者
何須菩提吾我及壽一切諸法悉不可得故

佛光卷十

十二

復次須菩提吾我及人則無所有世間所知
內空外空近空遠空真空所有空無所有空
亦無所有七空以無有虛空亦無所有摩訶
衍亦無所有無央數不可計阿僧祇亦無所
有一切諸法亦無所有是故摩訶衍覆護不
可計無央數阿僧祇人所以者何須菩提我

人及壽一切諸法悉不可得故復次須菩提
我人知見悉無所有意止意斷神足根力七
覺八道三十七品亦無所有十力四無畏十
八不共諸佛之法亦無所有虛空摩訶衍亦
無所有是故摩訶衍覆護不可計無央數阿
僧祇人所以者何吾我及人一切諸法悉不

可得故復次須菩提我人知見悉無所有種
姓諸法亦無所有所作之地以無所有虛空
亦無所有摩訶衍亦無所有不可計阿僧祇
人一切諸法亦無所有是故摩訶衍覆護不
可計無央數阿僧祇人復次須菩提我人知
見亦無所有須陀洹斯陀含阿那含阿羅漢

辟支佛亦無所有一切諸法亦無所有是故
摩訶衍覆護不可計無央數阿僧祇人所以
者何吾我及人一切諸法悉不可得復次須
菩提聲聞辟支佛上至怛薩阿竭亦無所有
薩芸若亦無所有一切諸法亦無所有是故
摩訶衍覆護不可計無央數阿僧祇人所以

佛光卷十

十三

者何須菩提我人諸法悉不可得故又須菩提
提泥洹之界覆護不可計阿僧祇人行亦如
是是故行與空等覆護不可計阿僧祇人如
須菩提所問摩訶衍者亦不見來時亦不見
去時亦不見住處行亦如是所以者何一切
諸法不可轉動是故無有住者無有來者亦

無所住所以者何須菩提色痛痒思想生死
識亦無所從來亦無所從去亦無所住須菩
提色痛痒思想生死識亦清淨無所從來無
所從去亦無所住色痛痒思想生死識者無
本無所從來無所從去亦無所住色痛痒思
想生死識自然無所從來無所從去亦無所

住色痛痒思想生死識自然相無所從來無
所從去亦無所住眼耳鼻口身意自然相者
無所從來無所從去亦無所住其地水火風
空是諸種者無有清淨亦無無本其自然者
亦無地種自然相者無所從來無所從去亦
無所住水火風種虛空識種亦復如是恒薩

阿竭本無自然及自然相無所從來無所從
去亦無所住須菩提本際清淨本際無本本
原自然本自然相不可計議及清淨界者無
所從來無所從去亦不可得不可思議及與
無本無所念界及與自然無思議界自然之
相無所從來無所從去亦無所住須菩提六

波羅蜜亦清淨般若波羅蜜亦無無本亦無
自然自然之相無所從來無所從去亦無所
作三十七品十力四無畏十八不共諸佛之
法道德清淨佛與正覺無所從來無所從去
亦無所住其無所有及與無本其無為者不
為自然其無為者無自然相無所從來無所

從去亦無所住如須菩提所言摩訶衍者不
得過去不得當來不得中間三世平等摩訶
衍者但有字耳如是須菩提所言摩訶衍者
無去來今三世平等摩訶衍者但有字耳所
以者何須菩提過去亦空當來亦空現在亦
空三世平等三世空等摩訶衍者亦復空等

卷之第十

十四

菩薩亦空其以空者無一無二無三無四不多不一是故名曰三世平等為摩訶衍菩薩功德巍巍無有等侶無正無邪亦不於欲亦不離欲亦不瞋恚不離瞋恚亦不愚癡不離愚癡不得憍慢不離憍慢不得貪慳妬嫉亦無所離不得善法惡法不得有常無常不得

苦樂不得我不我欲界色界無色界亦不可得不度欲界不度色界不度無色界所以者何不得自然過去色空當來色空現在色空痛痒思想生死識亦復如是色不可得用過去當來現在色空故不可得空故曰空空不可得何況念空有去來今痛痒思想生死識亦復如是又須菩提六波羅蜜不得過去不得當來不得現在須菩提六波羅蜜亦不可得三世平等故六波羅蜜為不可得其平等者無去來今用平等故復次須菩提其三十七品十力無畏十八不共諸佛之法亦不可得過去當來現在三世平等故三十七品十

力四無畏諸佛之法亦不可得其平等者無去來今十力無畏十八不共諸佛之法無去來今以平等故故曰平等何況平等去來今三十七品十力無畏十八不共諸佛之法而可得乎復次須菩提過去當來現在凡夫亦不可得三世平等故故凡夫等所以者何推

十五

求人亦不可得須陀洹斯陀含阿那含阿羅漢辟支佛菩提怛薩阿竭亦不可得當來現在亦復如是三世平等故諸聲聞辟支佛菩薩怛薩阿竭亦不可得推極人本不可得故如是須菩提故菩薩摩訶薩作是住般若波羅蜜覺了三世為以具足薩芸若慧是為菩薩摩訶薩為摩訶衍三世平等菩薩摩訶薩以住是者天上天下世間最尊因得出生薩芸若慧須菩提白佛言善哉善哉唯天中天摩訶衍者是菩薩摩訶薩學此行者過去菩薩摩訶薩亦因學是得薩芸若慧當來菩薩摩訶薩亦因是學得薩芸若慧今現在十方

不可計無央數阿僧祇世界諸菩薩摩訶薩亦復學是摩訶衍得薩芸若慧是故天中天菩薩摩訶薩摩訶衍也佛告須菩提如是如是過去當來今現在恒薩阿竭阿羅呵三耶三佛悉學是法得薩芸若慧光讚般若波羅蜜經卷第十

延慶院比丘清滿書

摩訶般若波羅蜜鈔經卷第一 淡三

符秦天竺沙門曇摩竭若佛念 譯

道行品第一

聞如是一時佛在羅閱祇香闍崛山中與千二百五十比丘俱皆是羅漢於生死以盡垢濁以索所語如言已脫於心度於智慧其聖已了皆悉上士所作已辦離於重擔是即自從所有已盡其智已脫心即從計除賢者阿難佛告須菩提今日樂不爲諸菩薩說般若波羅蜜菩薩當從是覺成舍利弗心念今須菩提爲諸菩薩說般若波羅蜜自用力說耶持佛威神說乎須菩提知舍利弗心所念便語舍利弗取佛弟子所說法所成法皆承佛威神何以故佛所說法中所覺皆有證以知便能有所成展轉能相成教於諸法隨其教所以者何恒薩阿竭所說無有異若有仁善欲學是法於中終不諍須菩提白佛言使我爲諸菩薩說般若波羅蜜菩薩當從中成